



ГАЛТ ТЭРЭГНИЙ
ХӨДӨЛГӨӨН ЗОХИЦУУЛАЛТЫН
НЭГДСЭН ТӨВИЙН ЗАХИРЛЫН
ТУШААЛ

2019 оны 08 сарын 30 өдөр

Дугаар A/52

Улаанбаатар хот

Г “Хөдөлмөрийн аюулгүй байдал,
эрүүл ахуйн хоёр шатны хяналтын журам” батлах тухай

Хөдөлмөрийн аюулгүй байдал, эрүүл ахуйн тухай хуулийн 27 дугаар зүйлийн 27.1, 28 дугаар зүйлийн 28.1.6, “Галт тэрэгний хөдөлгөөн зохицуулалтын нэгдсэн төв” улсын төсөвт үйлдвэрийн газрын дүрмийн 6.8, Хөдөлмөрийн дотоод журмын 4.2.4, Зам тээврийн хөгжлийн сайдын 253 дугаар тушаалыг тус тус үндэслэн ТУШААХ нь:

- “Галт тэрэгний хөдөлгөөн зохицуулалтын нэгдсэн төв” улсын төсөвт үйлдвэрийн газрын хөдөлмөрийн аюулгүй байдал, эрүүл ахуйн хоёр шатны хяналтын журмыг хавсралтаар баталсугай.
- Журмыг мөрдөж ажиллахыг нийт ажилтанд даалгасугай.
- Журмыг нийт ажилтанд танилцуулан, тушаалын хэрэгжилтэд хяналт тавьж ажиллахыг Захиргаа, санхүүгийн хэлтэст үүрэг болгосугай.



000437

“Галт тэрэгний хөдөлгөөн зохицуулалтын нэгдсэн төв”
улсын төсөвт үйлдвэрийн газрын захирлын 2019. оны
08 дугаар сарын 30-ны өдрийн 11:00 дугаар тушаалтын
хавсралт

Хөдөлмөрийн аюулгүй байдал, эрүүл ахуйн хяналтын журам

I. НИЙТЛЭГ ЗҮЙЛ

Энэхүү “ГТХЗНТ” УТҮГ-ын /цаашид Төв гэх/ “Хөдөлмөрийн аюулгүй байдал, эрүүл ахуйн хяналтын тухай журам” нь /цаашид Журам гэх/ Монгол улсын “Хөдөлмөрийн аюулгүй байдал, эрүүл ахуйн тухай хууль болон Төвийн хөдөлмөрийн аюулгүй байдал, эрүүл ахуйн журамд үндэслэсэн болно.

1.1. Энэхүү журам нь Хөдөлмөрийн аюулгүй байдал, эрүүл ахуй /цаашид-ХАБЭА гэх-/ н хяналтын төрөл, зохион байгуулалт, агуулгыг тодорхойлох бөгөөд Төвийн бүх нэгж, ажилтнуудад хамаарна.

1.2. ХАБЭА-н хяналт нь ХАБЭА-н удирдлагыг хэрэгжүүлэх нэг үе шат бөгөөд ХАБЭА-н үйл ажиллагаа, үр дүн болон авч буй арга хэмжээ нь үр ашигтай, ХАБЭА-н хууль тогтоомжийн хэрэгжилтийг хангаж байгаа эсэхийг тодорхойлох зорилгоор тогтмол явагдах үзлэг шалгалт юм.

1.3. ХАБЭА-н хяналтын зорилго нь ХАБЭА-н хууль тогтоомж, техникийн норм, бичиг баримт, дүрэм журам, заавар шаардлагын болон ХАБЭА-н талаар төлөвлөгдсөн ажлын биелэлтийн түвшин, чанар, Төвийн ажилтнуудын ХАБЭА-н талаарх ажил үүргийн биелэлт, ажлын байрны болон ажил гүйцэтгэх үеийн аюулгүй байдлыг хангаж буй эсэхийг шалгахад оршино.

1.4. ХАБЭА-н хяналтыг Төвийн удирдлага, ахлах мэргэжилтнүүд, ХАБЭА-н асуудал хариуцсан мэргэжилтэн болоод ажил гүйцэтгэх үеийн шууд удирдагч нар хэрэгжүүлнэ.

1.5. ХАБЭА-н хяналтад урьдчилан зөвшилцсөний үндсэн дээр үйлдвэрчний эвлэл оролцож болно.

1.6. ХАБЭА-н хяналт нь дараах төрлийн хяналтаас бүрдэнэ. Үүнд:

- Хоёр шатны хяналт;
- Зорилтот хяналт;

1.7. ХАБЭА-н хяналтыг тухайн нэгжийн даргыг заавал байлцуулан явуулна.

1.8. Төвийн ажилтнууд нь ХАБЭА-н хоёр шатны, зорилтот ба шуурхай хяналт, мониторингийн үр дүнд илэрсэн алдаа, зөрчил, дутагдал, үл тохирол, орхигдуулсан байдлыг заасан хугацаанд нь бүрэн арилгаж, шаардлагатай тохиолдолд залруулах, сэргийлэх болон ХАБЭА-н үйл ажиллагааг цаашид тасралтгүй сайжруулах арга хэмжээг авч, холбогдох хэлтэс, удирдах ажилтанд тайлагнана.

II.ХАБЭА-Н ХОЁР ШАТНЫ ХЯНАЛТ

2.1. ХАБЭА-н биелэлтийг хангахад төлөвлөгөөт хяналт шалгалт хийхэд оршино.

2.2. ХАБЭА-н хоёр шатны хяналт нь төлөвлөгдсөн хугацаанд явагдах ба дараахь үндсэн зорилго, чиглэлийг агуулна. Үүнд:

- Төвийн ХАБЭА-журам, түүний хэрэгжилтийг хангахад чиглэсэн хавсралт, заавруудын биелэлтийг шалгах;
 - ХАБЭА-н аюулыг тогтоох, эрсдэлийг үнэлэх, хяналтыг тодорхойлох үйл ажиллагааг шалгах;
 - ХАБЭА-н хууль тогтоомжийн болон бусад шаардлагуудын биелэлтийг шалгах, нийцтэй байдлын үнэлгээ хийх;
 - ХАБЭА-н зорилго, зорилтууд ба тэдгээрийн хэрэгжилтийг хангахад чиглэсэн ХАБЭА-н нөхцөл байдлыг сайжруулах иж бүрэн арга хэмжээний төлөвлөгөөний биелэлтийг шалгах;
 - Ажилтнуудын ХАБЭА-н талаарх мэдлэг чадвар болон ХАБЭА-н сургалтад хамрагдсан байдлыг шалгах;
 - ХАБЭА-н баримт бичиг, бүртгэлийн хөтлөлт, тэдгээрийн хяналт, албан хэрэг хөтлөлтийг шалгах;
 - ХАБЭА-н бүх төрлийн үйл ажиллагааны удирдлагын хэрэгжилтийг шалгах;
 - Гамшгаас хамгаалах ба хариу арга хэмжээний бэлэн байдлыг шалгах;
 - Ажлын байрны хөдөлмөрийн аюулгүй нөхцөл болон ажил гүйцэтгэх үеийн эрүүл, аюулгүй байдлыг хангаж буй байдлыг шалгах.
 - Галын аюулгүй байдлыг шалгах
- 2.3. ХАБЭА-н хоёр шатны хяналт нь дараахь төрлүүдээс бүрдэнэ. Үүнд:
- I шатны хяналт;
 - II шатны хяналт;

2.4. ХАБЭА-Н I ШАТНЫ ХЯНАЛТ

1 Зохион байгуулалт

2.4.1.I шатны хяналтыг ХАБЭА-н асуудал хариуцсан мэргэжилтэн, бусад мэргэжилтний хамтаар явуулна.

2.4.2.I шатны хяналтыг 14 хоногт 1 удаа хийж, дэвтэрт тэмдэглэл, бичилт хийнэ.

2 Агуулга

2.4.3. I шатны хяналтын явцад ажлын байрны нөхцөл байдал нь ХАБЭА-н шаардлагад нийцэж, ажлыг аюулгүй гүйцэтгэж байгаа болон ажилтнууд нь ажилд шаардлагатай тоног, төхөөрөмж хэрэгслийг зохих байдлаар ашиглаж байгаа эсэхэд шалгалт хийнэ.

3 Үр дүн

2.4.4.I шатны хяналтын явцад илэрсэн ХАБЭА-н зөрчил дутагдлыг нэн даруй арилгана.

2.4.5. Нийт ажилтнууд арилгах боломжгүй ХАБЭА-н зөрчлийн талаар Төвийн удирдлагад

нэн даруй мэдэгдэж холбогдох арга хэмжээ авах үүрэгтэй.

2.5. ХАБЭА-Н II ШАТНЫ ХЯНАЛТ

1 Зохион байгуулалт

2.5.1. II шатны хяналтыг ХАБЭА-н комисс явуулах ба комисс-т хэлтсийн дарга нар, ахлах мэргэжилтнүүд болон ХАБЭА-н асуудал хариуцсан ажилтан байна.

2.5.2. II шатны хяналтын үр дүнг “ХАБЭА-н II шатны хяналтын урьдчилан сэргийлэх ажлын дэвтэр”-т илэрсэн зөрчил түүнийг арилгах арга хэмжээ, хугацааг бичих бөгөөд комиссын дарга болон гишүүд гарын үсэг зурж баталгаажуулна. Гарсан зөрчлийг арилгасан тухай тэмдэглэлийг дэвтэр дээр бичилт хийх ба комиссын даргын гарын үсгээр баталгаажна.

2.5.3. ХАБЭА-н II шатны хяналтын үр дүнгээр албан шаардлага авсан ажилтан албан шаардлагыг авснаас хойш 1 сарын дотор илэрсэн зөрчил дутагдлыг арилгасан (арилгаж байгаа явц) тухай тайланг ХАБЭА-н комисс-т гаргаж өгнө.

2.5.4. II шатны хяналтын явцад илэрсэн ХАБЭА-н шаардлагын зөрчил дутагдлыг арилгаж буй байдалд комисс, ХАБЭА-н асуудал хариуцсан ажилтан хяналт тавина.

2.5.5. II шатны хяналтыг сард 1 удаа хийнэ.

2.5.6. II шатны хяналтын үр дүнг нийт ажилтнуудад танилцуулж, ХАБЭА-н нөхцөл байдалд үнэлгээ (“сайн”, “хангалттай”, “хангалтгүй”) өгнө. Комиссын гишүүдийн өгсөн үнэлгээний үндсэн дээр Комиссын дарга Төвийн ХАБЭА-н байдалд өрөнхий үнэлгээ өгнө.

■

2 Агуулга

2.5.7. II шатны хяналтын явцад дараах зүйлийг шалгана. Үүнд:

- I шатны хяналтын үр дүнгээр илэрсэн зөрчил дутагдлыг арилгасан байдал;
- Ажлын байрны нөхцөл байдал нь ХАБЭА-н шаардлагад нийцэж буй эсэх;
- Ажлын байрны аюулгүй зохион байгуулалт;
- Төвийн тээврийн хэрэгслийн бүрэн бүтэн байдал;
- Аюулгүйн тэмдэг, анхааруулах самбар холбогдох стандартад нийцсэн эсэх;
- ХАБЭА-н дүрэм журам, зааврыг мөрдөж буй байдал;
- ХАБЭА-н сургалт, зааварчилгааг ажилтнуудад цаг тухайд нь чанартай явуулж байгаа эсэх,
- ХАБ-ын заавар, гамшигаас хамгаалах төлөвлөгөөний талаарх ажилтнуудын мэдлэгийг шалгах/түүвэрлэн/;
- Гал унтраах анхан шатны багаж хэрэгсэл байгаа эсэх, тэдгээрийн иж бүрдэл, ашиглалтын бэлэн байдал;
- Томилолтоор ажиллах үеийн хамгаалах хэрэгсэл (ажлын тусгай хувцас, гутал, хувийн хамгаалах хэрэгсэл)-тэй эсэх, бүрэн бүтэн эсэх;
- Ажлын байрны эрүүл ахуй, ариун цэврийн нөхцөл байдлыг хангаж байгаа эсэх;
- Засгийн газар, яам, агентлаг, төрийн хяналтын байгууллагын тушаал, тогтоол, албан шаардлагын биелэлт;

3 Үр дүн

	улсад хүчин төгөлдөр мөрдөгдөж буй холбогдох хууль тогтоомжийн дагуу зохих хариуцлага ногдуулна.
	2.5.10. ХАБЭА-н хяналт тогтмол “сайн” үнэлгээтэй байвал, комисст Төвийн шагнал, урамшуулал олгох журмын дагуу жилд 1 удаа шагнал, урамшуулал олгоно.

III. ХАБЭА-Н ЗОРИЛТОД ХЯНАЛТ

3.1. ХАБЭА-н зорилтот хяналтын зорилго нь ажлын байрны эрганомик орчныг судлах бөгөөд ажил гүйцэтгэх үед ХАБЭА-г хангаж буй байдалд төлөвлөгөөт бус хяналт тавихад оршино.

3.2. ХАБЭА-н зорилтот хяналтыг Төвийн ХАБЭА-н комисс шаардлагатай нөхцөл байдал үүссэн тохиолдолд явуулж, үр дүнг баримтжуулна.

3.3. ХАБЭА-н зорилтот хяналтад дараах ажлын төрөл хамаарна. Үүнд:

- Ажлын байрны эргономикийн эрсдэлийн хүчин зүйл/5Ц/
- Ажлын байрны эмх цэгцтэй байдал/5Ц/
- Ажлын байрны нөхцөл, барилга байгууламжийн аюулгүй байдал нь ХАБЭА-н болон галын аюулгүй байдлын шаардлагад нийцэж буй байдал,
- Анхны тусламж үзүүлэх эмийн сан түүний иж бүрдэл;
- Ажилтнууд эрүүл мэндийн үзлэгт хамрагдсан байдал, ажил гүйцэтгэхэд бэлэн эсэх;
- Галын аюулгүй байдлыг хангасан эсэх, гол унтраах анхан шатны багаж хэрэгсэл байгаа эсэх, тэдгээрийн иж бүрдэл, бүрэн бүтэн байдал зэрэгт хяналт тавина.

-----ооОоо-----